

BOSNA I HERCEGOVINA  
FEDERACIJA BOSNE I HERCEGOVINE  
KANTONALNO TUŽILAŠTVO-TUŽITELJSTVO  
ZENIČKO-DOBOJSKOG KANTONA

Broj: T04 0 KT 0065154 25  
Zenica, 06.05.2026. godine

OPĆINSKOM SUDU U TEŠNJU  
-Sudiji za prethodno saslušanje-  
TEŠANJ

Na osnovu člana 45. stav 2. tačka h), člana 241. stav 1. i člana 242. ZKP F BiH  
podižem

O P T U Ž N I C U

Protiv:

M. D., ...

što je:

dana 01.08.2025. godine, oko 13:19 sati, na području općine Doboj Jug, upravljajući putničkim motornim vozilom marke „...“ registarskih oznaka ..., kećući se iz smjera Teslića u smjeru Doboja, ugrozio javni promet, tako što je vozio neoprezno i nedovoljno pažljivo, jer je suprotno odredbama člana 36. stav 1. Zakona o osnovama sigurnosti saobraćaja na putevima u BiH, prilikom uključivanja na magistralni put M-4 Doboj-Teslić u mjestu Matuzići, započeo radnju uključivanja, prethodno se ne uvjerivši da to može učiniti bez opasnosti za druge učesnike u saobraćaju, jer se na tom mjestu nalazio saobraćajni znak „STOP“, zaustavna linija i horizontalna signalizacija „obavezno zaustavljanje“, iako je bio svjestan da svojom vožnjom može tako ugroziti javni promet da dovede u opasnost živote ljudi ili imovinu većih razmjera, ali je olako držao da do toga neće doći ili da će moći spriječiti, jer se u tom momentu magistralnom cestom M-17 iz smjera Doboja prema Zenici kretalo teretno vozilo marke „...“ reg. oznaka ... sa priključnim vozilom marke „...“ reg. oznaka ..., vlasništvo „...“ d.o.o. Doboj kojim je upravljao D. V. iz Doboja, istom oduzeo prvenstvo prolaza, uslijed čega je na desnoj saobraćajnoj traci gledajući iz smjera Doboja kojim se kretalo teretno vozilo došlo do kontakta prednjeg desnog dijela teretnog vozila i prednjeg lijevog dijela njegovog vozila, kojom prilikom je saputnica M. D. zadobila teške tjelesne povrede u vidu krvarenje-ugrušak ispod tvrde moždane ovojnice i krvarenje ispod meke moždane ovojnice, P. V. zadobila teške tjelesne povrede u vidu serijskog preloma pet rebra sa desne strane (treće, četvrto, peto, šesto i sedmo rebro), a M. G. zadobila lake tjelesne povrede u vidu nagnječenja grudnog koša, dok je na teretnom vozilu marke „...“ reg. oznaka ... nastala materijalna šteta u iznosu od oko 7.000,00 KM,

dakle, iz nehata kao učesnik u saobraćaju na putevima, koji se ne pridržava saobraćajnih propisa, ugrozio javni promet da je doveo u opasnost život ljudi, usljed čega je prouzrokovana teška tjelesna povreda dvije osobe i laka tjelesna povreda jedne osobe,

čime je počinio krivično djelo Teška krivična djela protiv sigurnosti javnog prometa iz člana 336. stav 3. u vezi sa članom 332. stav3. u vezi sa stavom 1. KZ F BiH.